

**ШЕРХАН МҰРТАЗА АТЫНДАҒЫ  
ХАЛЫҚАРАЛЫҚ ТАРАЗ УНИВЕРСИТЕТІ**



**2025-2026 ОҚУ ЖЫЛЫНА  
ШЕРХАН МҰРТАЗА АТЫНДАҒЫ  
ХАЛЫҚАРАЛЫҚ ТАРАЗ УНИВЕРСИТЕТІНІҢ  
МАГИСТРАТУРАСЫНА ОҚУҒА ҚАБЫЛДАУ ЕРЕЖЕСІ**

**СМЖ ҚЕ 2-3/6**

**Тараз**

<i>Шерхан Мұртаза атындағы Халықаралық Тараз университеті</i>	<i>11 беттің</i>
<i>2025-2026 оқу жылына магистратураға оқуға қабылдау ережесі</i>	<i>2-беті</i>

### АЛҒЫ СӨЗ

- 1 ӘЗІРЛЕНГЕН ЖӘНЕ ЕНДІРІЛГЕН: - «Жоғарғы оқу орнынан кейінгі білім беру» орталығы, Қабылдау комиссиясы
- 2 КЕЛІСІЛДІ:
  - Академиялық жұмыстар жөніндегі проректор, э.ғ.к., профессор Кадырова А.С.
  - Заң басқармасының басшысы Матжанов Е.

<i>Шерхан Мұртаза атындағы Халықаралық Тараз университеті</i>	<i>11 беттің</i>
<i>2025-2026 оқу жылына магистратураға оқуға қабылдау ережесі</i>	<i>3-беті</i>

### Мазмұны

1. Жалпы ережелер.....	4
2. Университетке магистратураға оқуға қабылдаудың рәсімі.....	4
3. ХТУ-дің магистратурасына оқуға қабылдау.....	7
<b>Қосымшалар:</b>	
А қосымшасы Өзгерістер тіркеу парағы.....	8
Б қосымшасы Келісу парағы.....	9
В қосымшасы Танысу парағы.....	10
Құжатты әзірлегендер.....	11

<b>Шерхан Мұртаза атындағы Халықаралық Тараз университеті</b>	<b>11 беттің</b>
<b>2025-2026 оқу жылына магистратураға оқуға қабылдау ережесі</b>	<b>4-беті</b>

## **1. ЖАЛПЫ ЕРЕЖЕЛЕР**

1. Осы Шерхан Мұртаза атындағы Халықаралық Тараз университетіне (бұдан әрі – Университет немесе ХТУ) оқуға қабылдаудың Ережесі (бұдан әрі – Ереже) «Білім туралы» 2007 жылғы 27 шілдедегі Қазақстан Республикасы Заңының (бұдан әрі – Заң) 5-бабының 11) тармақшасына және «Мемлекеттік көрсетілетін қызметтер туралы» 2013 жылғы 15 сәуірдегі Қазақстан Республикасы Заңының 10-бабының 1) тармақшасына, Қазақстан Республикасы білім және ғылым министрінің 2018 жылғы 31 қазандағы №600 бұйрығымен бекітілген, 2019 жылғы 14 маусымдағы №269, 2020 жылғы 8 маусымдағы №237, 2021 жылғы 24 мамырдағы №241 және Қазақстан Республикасы Ғылым және жоғары білім министрінің 2022 жылғы 15 желтоқсандағы №189, 2023 жылғы 26 қаңтардағы №24, 2024 жылғы 3 мамырдағы №212, Қазақстан Республикасы Ғылым және жоғары білім министрінің м.а. 2025 жылғы 8 шілдедегі № 341 бұйрықтарымен өзгерістер енгізілген «Жоғары оқу орнынан кейінгі білімнің білім беру бағдарламаларын іске асыратын білім беру ұйымдарына оқуға қабылдаудың үлгілік қағидаларына» сәйкес әзірленген және Университетке магистратураға оқуға қабылдау тәртібін анықтайды.

2. ХТУ-дің магистратурасына қабылдау ғылыми-педагогикалық және бейінді бағыттар бойынша кадрларды даярлауға арналған мемлекеттік білім беру тапсырысын орналастыру арқылы, сондай-ақ білім алушылардың бюджеттен тыс және өз қаражаты есебінен оқуға ақы төлеу арқылы жүзеге асырылады.

## **2. УНИВЕРСИТЕТКЕ МАГИСТРАТУРАҒА ОҚУҒА ҚАБЫЛДАУДЫҢ РӘСІМІ**

3. ХТУ-ға магистратураға тұлғаларды қабылдау кешенді тестілеу (бұдан әрі-КТ) немесе түсу емтихандарының нәтижелері бойынша конкурстық негізде жүзеге асырылады.

Магистратураға шетелдіктерді қабылдау ақылы негізде жүзеге асырылады. Шетелдіктердің мемлекеттік білім беру тапсырысына сәйкес конкурстық негізде тегін жоғары оқу орнынан кейінгі білім алу құқығы магистратура бағдарламалары бойынша стипендиялық бағдарламаларды есепке алмағанда, Қазақстан Республикасының халықаралық шарттарымен айкындалады.

Мерзімді әскери қызмет өткергеннен кейін үш жыл ішінде бейінді магистратураға ақылы негізде мерзімді әскери қызмет өткерген адамдарды қабылдау ХТУ-дың қабылдау комиссиясы күнтізбелік жыл ішінде өткізетін әңгімелесу нәтижелері бойынша түсу емтихандарынсыз жүзеге асырылады. Бұл ретте мерзімді әскери қызмет өткерген азаматтарды қабылдау академиялық күнтізбеге сәйкес келесі академиялық кезең басталғанға дейін 5 (бес) күн бұрын жүзеге асырылады.

4. ХТУ-ға шетел азаматтарын ақылы негізде қабылдау университеттің қабылдау комиссиясы өткізетін әңгімелесудің нәтижесі бойынша күнтізбелік жыл бойы жүзеге асырылады. Бұл ретте, шетел азаматтарын қабылдау академиялық күнтізбесіне сәйкес келесі академиялық кезеңнің басталуына 5 (бес) күнге дейін жүргізіледі.

5. Шетелдік білім беру ұйымдары берген білім туралы құжаттар адамдар оқуға қабылданғаннан кейін оқудың 1 (бірінші) академиялық кезеңі ішінде Қазақстан Республикасының заңнамасында белгіленген тәртіппен білім туралы құжаттарды тану рәсімінен өтеді.

Шет тіліндегі құжаттар мемлекеттік немесе орыс тіліндегі нотариалды куәландырылған аудармасымен бірге беріледі.

6. Құжаттарды қабылдау және түсу емтихандарын өткізуді ұйымдастыру үшін ХТУ-да қабылдау комиссиясы құрылады. Қабылдау комиссиясының төрағасы университет ректоры немесе оның міндетін атқарушы тұлға болып табылады.

Қабылдау комиссиясының құрамы және қызметі институт ректорының немесе оның міндетін атқарушы тұлғаның бұйрығымен бекітіледі.

Магистратураға түсушілер үшін қабылдау комиссиясы:

<i>Шерхан Мұртаза атындағы Халықаралық Тараз университеті</i>	<i>11 беттің</i>
<i>2025-2026 оқу жылына магистратураға оқуға қабылдау ережесі</i>	<i>5-беті</i>

1) түсушілерге таңдаған жоғары оқу орнынан кейінгі білім беру бағдарламалары тобының мәселелері бойынша консультация беруді, КТ рәсімімен таныстыруды;

7. ХТУ магистратурасына түсушілердің өтініштерін қабылдауды қабылдау комиссиясы және (немесе) ҰТО-ның ақпараттық жүйесі арқылы күнтізбелік жылдың 1 маусымы мен 8 шілдесі аралығында және 28 қазан мен 10 қараша аралығында жүргізіледі.

Магистратураға КТ күнтізбелік жылдың 20 шілде мен 10 тамызы аралығында өткізіледі.

8. Магистратураға жоғары білімнің білім беру бағдарламаларын игерген тұлғалар қабылданады.

9. Магистратураға түсуші тұлғалар ХТУ-ға және (немесе) ақпараттық жүйе арқылы мынадай құжаттарды тапсырады:

1) Қазақстан Республикасы Білім және ғылым министрінің 2019 жылғы 8 мамырдағы №190 бұйрығымен бекітілген Кешенді тестілеу өткізудің үлгілік қағидаларына (Нормативтік құқықтық актілерді мемлекеттік тіркеу тізілімінде №18657 болып тіркелген) сәйкес белгіленген нысанда ұйым басшысының атына өтінішті;

2) жоғары білімі туралы құжатты (түпнұсқа, қабылдау комиссиясына құжаттарды тапсыру кезінде);

3) жеке басын куәландыратын құжаттың көшірмесін;

4) 3x4 сантиметр өлшемді алу фотосуреті;

5) «Денсаулық сақтау ұйымдарының бастапқы медициналық құжаттама нысандарын бекіту туралы» Қазақстан Республикасы Денсаулық сақтау министрінің м.а. 2010 жылғы 23 қарашадағы № 907 бұйрығымен бекітілген (Нормативтік құқықтық актілерді мемлекеттік тіркеу тізілімінде № 6697 болып тіркелген) (бұдан әрі - № 907 бұйрық) 075-У нысанындағы медициналық анықтаманы;

7) Осы Ереженің 14-тармағында көрсетілген бағдарламалар бойынша тест тапсырғаны туралы сертификаттың көшірмесі (бар болған жағдайда).

Осы тармақта көрсетілген құжаттардың көшірмелерімен бірге салыстыру үшін олардың түпнұсқалары ұсынылады. Салыстыру түсушінің қатысуымен жүргізіледі. Салыстыру жүргізілгеннен кейін түпнұсқалар қайтарылады.

Осы тармақта көрсетілген құжаттар тізбесін толық ұсынбаған жағдайда қабылдау комиссиясы түсушілерден құжаттарды қабылдамайды.

10. Магистратураға түсуші адамдар күнтізбелік жылдың 15 -28 тамызы аралығында көрсетілетін қызметті берушіге (ХТУ-дің қабылдау комиссиясы арқылы) немесе «электрондық үкіметтің» [www.egov.kz](http://www.egov.kz) веб-порталы (бұдан әрі – портал) арқылы осы Үлгілік қағидаларға 1-1-қосымшаға сәйкес «Жоғары оқу орнынан кейінгі білім беру бағдарламалары бойынша оқыту үшін жоғары және (немесе) жоғары оқу орнынан кейінгі білім беру ұйымдарына құжаттар қабылдау және оқуға қабылдау» мемлекеттік көрсетілетін қызмет стандартының (бұдан әрі – Мемлекеттік көрсетілетін қызмет стандарты) 8-тармағында көзделген құжаттар топтамасын тапсырады.

Қызмет көрсету процесінің сипаттамасын, нысанын, мазмұны мен нәтижесін, сондай-ақ мемлекеттік қызмет көрсету ерекшеліктерін ескере отырып өзге де мәліметтерді қамтитын мемлекеттік қызмет көрсетуге қойылатын негізгі талаптар тізбесі Мемлекеттік көрсетілетін қызмет стандартында келтірілген.

Жеке басын куәландыратын құжаттар туралы мәліметтер, жоғары білім туралы құжат, медициналық анықтама, интернатураны бітіргені туралы куәлік көрсетілетін қызметті берушіге тиісті мемлекеттік ақпараттық жүйелерден «электрондық үкімет» шлюзі арқылы беріледі.

Көрсетілетін қызметті берушінің қызметкері құжаттар топтамасын қабылдауды, оларды тіркеуді және көрсетілетін қызметті алушыға өтініш келіп түскен күні «Білім туралы мемлекеттік үлгідегі құжаттардың түрлері мен нысандарын және оларды беру қағидаларын бекіту туралы» Қазақстан Республикасы Білім және ғылым министрінің 2015 жылғы 28

<i>Шерхан Мұртаза атындағы Халықаралық Тараз университеті</i>	<i>11 беттің</i>
<i>2025-2026 оқу жылына магистратураға оқуға қабылдау ережесі</i>	<i>6-беті</i>

қаңтардағы № 39 бұйрығымен (Нормативтік құқықтық актілерді мемлекеттік тіркеу тізілімінде № 10348 болып тіркелген) (бұдан әрі – № 39 бұйрық) бекітілген нысан бойынша құжаттар топтамасын қабылдау туралы қолхат беруді жүзеге асырады не көрсетілетін қызметті алушы құжаттар топтамасын толық ұсынбаған жағдайда құжаттарды қабылдаудан бас тартады.

Портал арқылы жүгінген жағдайда көрсетілетін қызметті алушының «жеке кабинетіне» мемлекеттік қызмет көрсетуге арналған сұраудың қабылданғаны туралы мәртебе, сондай-ақ мемлекеттік көрсетілетін қызмет нәтижесін алу күні мен уақыты көрсетілген хабарлама жіберіледі.

Көрсетілетін қызметті беруші олар түскен сәттен бастап ұсынылған құжаттардың толықтығын тексереді, құжаттар толық болмаған жағдайда өтінішті одан әрі қараудан дәлелді бас тартуды дайындайды, ол өтініш берушінің порталдағы «жеке кабинетіне» электрондық құжат нысанында жіберіледі.

Көрсетілетін қызметті алушы құжаттардың толық топтамасын ұсынған жағдайда көрсетілетін қызметті алушыға ХТУ-ға қабылдау үшін құжаттардың қабылданғаны туралы хабарлама жіберіледі, хабарламаны алғаннан кейін көрсетілетін қызметті алушы көрсетілетін қызметті берушіге құжаттардың түпнұсқаларын күнгізбелік жылдың 28 тамызына дейінгі мерзімде ұсынады.

Құжаттарды қабылдағаннан кейін институт басшысы көрсетілетін қызмет алушыны ХТУ-ға магистранттардың қатарына қабылдау туралы бұйрық шығарады.

Көрсетілетін қызметті беруші Мемлекеттік көрсетілетін қызмет стандартының 9-тармағында көзделген негіздер бойынша мемлекеттік қызметті көрсетуден бас тартады;

11. Магистратураға түсуші тұлғалар шет тілі (таңдау бойынша ағылшын, неміс, француз) бойынша тесттен, білім беру бағдарламалары тобының бейіні бойынша тесттен, оқуға дайындығын анықтауға арналған таңдауы бойынша қазақ немесе орыс тіліндегі тесттен тұратын КТ тапсырады.

Оқыту ағылшын тілінде жүргізілетін магистратураға түсуші тұлғалар ағылшын тіліндегі білім беру бағдарламалары тобының бейіні бойынша тесттен және оқуға дайындығын анықтауға арналған таңдауы бойынша қазақ немесе орыс немесе ағылшын тіліндегі тесттен тұратын КТ тапсырады.

12. КТ өткізу Қазақстан Республикасы Білім және ғылым министрінің 2019 жылғы 8 мамырдағы № 190 бұйрығымен (Нормативтік құқықтық актілерді мемлекеттік тіркеу тізілімінде № 18657 болып тіркелген) бекітілген Кешенді тестілеу өткізудің қағидаларына сәйкес жүзеге асырылады.

КТ-ны Қазақстан Республикасы Білім және ғылым министрлігі (бұдан әрі - ҚР БҒМ) айқындайтын КТ өткізу пункттерінде ҚР БҒМ Ұлттық тестілеу орталығы (бұдан әрі – ҰТО) өткізеді.

КТ нәтижелері бойынша электрондық сертификат беріледі, ол ҚР БҒМ Ұлттық тестілеу орталығының сайтында расталады.

КТ-ны тапсырған жылы қайта тапсыруға рұқсат етілмейді.

13. Шет тілін меңгерудің жалпы еуропалық құзыреттеріне (стандарттарына) сәйкес шет тілін меңгергенін растайтын бір халықаралық сертификаттары бар тұлғалар №600 бұйрықпен бекітілген «Жоғары оқу орнынан кейінгі білімнің білім беру бағдарламаларын іске асыратын білім беру ұйымдарына оқуға қабылдаудың үлгілік қағидаларының» 14 тармағында көрсетілген тілдер бойынша магистратураға КТ-ның шет тілі бойынша тестінен босатылады.

Ұсынылатын сертификаттардың түпнұсқалығы және жарамдылық мерзімі ХТУ-дің қабылдау комиссиясымен тексеріледі.

КТ нәтижелері өткізілген күні жарияланады.

<i>Шерхан Мұртаза атындағы Халықаралық Тараз университеті</i>	<i>11 беттің</i>
<i>2025-2026 оқу жылына магистратураға оқуға қабылдау ережесі</i>	<i>7-беті</i>

### **3. ХТУ-ДІҢ МАГИСТРАТУРАСЫНА ОҚУҒА ҚАБЫЛДАУ**

14. Магистратураға қабылдау келесі мерзімдерде жүзеге асырылады:

- 1) күнтізбелік жылғы 15 тамыздан 28 тамызға дейін;
- 2) күнтізбелік жылғы 26 желтоқсаннан 10 қаңтарға дейін.

Ғылыми-педагогикалық магистратураға түсуші тұлғалар шет тілі (таңдау бойынша ағылшын, неміс, француз) бойынша тестілеуден, білім беру бағдарламалары тобының бейіні бойынша тестілеуден, оқуға дайындығын анықтауға арналған таңдауы бойынша қазақ немесе орыс тіліндегі тестілеуден тұратын КТ тапсырады.

Оқыту қазақ немесе орыс тілінде жүргізілетін бейінді магистратураға түсуші тұлғалар таңдауы бойынша қазақ немесе орыс немесе ағылшын тіліндегі білім беру бағдарламалары тобының бейіні бойынша тестілеуден және оқуға дайындығын анықтауға арналған тестілеуден тұратын КТ тапсырады.

Оқыту ағылшын тілінде жүргізілетін бейінді магистратураға түсуші тұлғалар ағылшын тіліндегі білім беру бағдарламалары тобының бейіні бойынша тестілеуден және оқуға дайындығын анықтауға арналған таңдауы бойынша қазақ немесе орыс немесе ағылшын тіліндегі тестілеуден тұратын КТ тапсырады.

Ғылыми -педагогикалық магистратураға тұлғаларды ақылы негізде қабылдау КТ қорытындылары бойынша осы Үлгілік қағидаларға 7-қосымшаға (бұдан әрі – 7-қосымша) сәйкес оқыту қазақ немесе орыс тілінде жүргізілетін магистратураға кешенді тестілеу үшін 150 балдық бағалау жүйесінің шәкіліне сәйкес кемінде 75 балл, бұл ретте шет тілі бойынша кемінде 25 балл, білім беру бағдарламалары тобының бейіні бойынша: бір дұрыс жауап таңдау бойынша – кемінде 7 балл, бір немесе бірнеше дұрыс жауап таңдау бойынша – кемінде 7 балл, оқуға дайындығын анықтауға арналған тест бойынша – кемінде 7 балл жинаған жағдайда жүзеге асырылады.

Бейіндік магистратураға тұлғаларды ақылы негізде қабылдау КТ қорытындылары бойынша осы Үлгілік қағидаларға 7-қосымшаға (бұдан әрі – 7-қосымша) сәйкес оқыту қазақ немесе орыс тілінде жүргізілетін магистратураға кешенді тестілеу үшін 70 балдық бағалау жүйесінің шәкіліне сәйкес кемінде 30 балл, бұл ретте білім беру бағдарламалары тобының бейіні бойынша: бір дұрыс жауап таңдау бойынша – кемінде 7 балл, бір немесе бірнеше дұрыс жауап таңдау бойынша – кемінде 7 балл, оқуға дайындығын анықтауға арналған тест бойынша – кемінде 7 балл жинаған жағдайда жүзеге асырылады.

Оқыту ағылшын тілінде жүргізілетін магистратураға тұлғаларды ақылы негізде қабылдау КТ қорытындылары бойынша осы Үлгілік қағидаларға 8-қосымшаға (бұдан әрі – 8-қосымша) сәйкес оқыту ағылшын тілдерінде жүргізілетін магистратурада білім алу үшін кешенді тестілеу үшін 100 балдық бағалау жүйесінің шәкіліне сәйкес кемінде 25 балл, бұл ретте оқуға дайындығын анықтауға арналған тест бойынша – кемінде 7 балл, білім беру бағдарламалары тобының бейіні бойынша: бір дұрыс жауап таңдау бойынша – кемінде 7 балл, бір немесе бірнеше дұрыс жауап таңдау бойынша – кемінде 7 балл жинаған жағдайда жүзеге асырылады.







<i>Шерхан Мұртаза атындағы Халықаралық Тараз университеті</i>	<i>11 беттің</i>
<i>2025-2026 оқу жылына магистратураға оқуға қабылдау ережесі</i>	<i>11-беті</i>

Құжатты әзірлегендер:

«Жоғарғы оқу орнынан кейінгі білім беру»

орталығының жетекшісі



А.Сарсенова

Қабылдау комиссиясының

жауапты хатшысы



М.Байкулов